



KOMUNIKADO

Fecha
23/01/2018

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Ban selebrá e periodo di karnaval di un manera digno, sin uso eksesivo di alkohòl.

Willemstad - Minister di Tráfiko, Transporte i Planifikashon Urbano, Zita Jesus Leito ta boga pa un tráfiko sigur, i ta hasi un apelashon na tur hende pa gosa di aktividatnan karnavalesko, pero tene kuenta si ku uso di alkohòl. Si bo ta bebe no stür, i si bo ta stür no bebe.

Despues di un tremendo inskripshon di tumba, nos pueblo ta pendiente pa selebrá un grandioso festival di tumba. Meskos tambe e kantidat di Jump-In nan i prinsipalmente e diferente marchanan di karnaval. Na tur e aktividatnan aki ta konosí ku uso di alkohòl ta tuma lugá, i ku despues mester manehá un vehíkulo bai kas.

Kada ken mester ta konsiente ki konsekuensha un akto asina por tin pa su mes i su famia. Stür un vehíkulo bou di influensha di alkohòl ta un infrakshon hopi serio den tráfiko ku por trese un cambio drástiko den bida di otro i/òf di bo mes tambe. Un aksidente fatal por tuma lugá pa motibu ku un dje personanan tabata bou di influensha di alkohòl.

Si bo ta bai kualke aktividat gosa plenamente i si bo a konsumí demasiado alkohòl laga otro hende stür pa bo i evitá asina un òf otro insidente. Prevení ta mihó ku lamentá. Nos mester por gosa di un manera sano i sa di respetá otro.

Felis temporada di karnaval!